

NAPLAN 2026

Fa'amatalaga mo mātua ma tagata o lo'o tausia fanau.



Aiseā e fa'atino ai e fanau a'oga ia le NAPLAN?

O le NAPLAN o le polokalame a le atunu'u atoa e iloilo ai tomaitusitusi ma le faitautusi fa'apea malamalama'aga i numera ma lo latou fa'aaogaina ma e su'e ai fanau a'oga o le Tausaga 3, 5, 7 ma le 9 i tausaga ta'itasi. E na o le pau lea o le iloilo a le atunu'u atoa e maua ai avanoa o fanau a'oga uma i Ausetalia e su'e ai.

A o fa'agasolo tausaga a'oga a fanau, e tūa le siakiina po'o fa'apefa le a'oa'oina lelei o i latou i tomaitāua i le faitautusi, tusitusi ma malamalama'aga i numera ma le fa'aaogaina.

E iloiloia le NAPLAN ia tomaitusitusi ma le numera ua a'oa'oina e fanau a'oga e ala i mata'upu o le silapasi ua tatata i matua ma tagata o lo'o tausia fanau ona va'ai po'o fa'apefa le alualu i luma o latou alo e fua i tapula'a fa'atulagaina o tomaitusitusi ma le atunu'u atoa.

O le NAPLAN e na o se tasi o vaega o iloilo a fa'atino e a'oga fa'apea 'auala e fa'asolo ai le faiga o lipoti. E le 'ave'esea ai iloilo faifaifea e faia e faia'oga i fa'atinoga a fanau a'oga, 'ae e mafai ai ona maua e faia'oga ia nisi fa'amatalaga fa'aopopo fa'atatau i le alualu i luma o tomaitusitusi fa'a-le-a'oa'oga a fanau.

E maua mai fo'i i le NAPLAN ia fa'amatalaga mo a'oga, pulega o a'oga ma mālō pe o fa'apefa le fa'agaioiga o polokalame a a'oga ma po o 'ausia e talavaou Ausetalia ia taunu'uga tūa o a'oga mo tomaitusitusi ma le faitautusi fa'apea malamalama'aga i numera ma lo latou fa'aaogaina.

E su'e lou alo i le NAPLAN i luga o le initoneti

O su'ega a le NAPLAN i luga o le initoneti ua fa'atulagaina ia mafai ona maua ai togi e sili ona sa'o ma fa'afiafiaina ai fanau a'oga e latou te 'auai i ia su'ega. O su'ega ua fa'atulagaina (pe ua fetu'una'ina lelei), o lona uiga, e tofua su'ega ta'itasi ma fesili e ono 'ese'ese le faigatā po'o le faigofie e fua i tali a le alo a'oga. E fesoasoani lenei faiga i le fa'atumauiina o le fiafia o fanau a'oga e 'auai i iloilo.

O su'ega e fa'atulagaina ma fa'atinoina lelei e maua ai le avanoa e iloilo ai le tele o tomaitusitusi fa'apea fa'aaogaina ma fua ai tulaga e 'ausia e fanau a'oga i se fua e sili atu ona sa'o atoatoa. O le aotelega o togi a fanau a'oga i le NAPLAN e fa'avae lea i fuainumera ma le lavelave o fesili na sa'o ona latou taliina. E le tatau ona fa'apopoleina lou alo pe afai e latou te maituina e faigata ia fesili; atonu o lo'o latou su'e i itu'aiga o su'ega e sili atu ona lavelave.

O le a fa'aauuina pea le fa'aaogaina o pepa e fanau a'oga o le Tausaga 3 e fai ai su'ega tusitusi.

O a mea e iloiloia e le NAPLAN

E su'e fanau a'oga i su'ega i le tusitusi, faitautusi, fa'atinoga masani e fa'aaoga i gagana (sipela, kalama ma fa'aailoga faitautusi) fa'apea malamalama'aga i numera ma lo latou fa'aaogaina. O fesili e iloiloia ai mataupu e laina tutusa ma silapasi a Ausetalia: Ingilisi ma le Matematika.

Students sit assessments in writing, reading, conventions of language (spelling, grammar and punctuation) and numeracy. The questions assess content aligned to the Australian Curriculum: English and Mathematics.

E fesoasoani uma pulega a a'oga a le mālō ma pulega a a'oga e le o ni a'oga a le mālō i le atina'eina o mea e fa'atino ai su'ega a le NAPLAN

Mo le sa'ilia o fa'aopoopoga fa'atatau i le NAPLAN, asiasi i le nap.edu.au.

'Auai i fa'atinoga a NAPLAN.

O le NAPLAN e mo fanau a'oga uma o le Tausaga 3, 5, 7 ma le 9. E lagolagoina e le ACARA ia iloilo a aofia ai su'ega uma ina ia maua e fanau a'oga uma le avanoa e 'auai ai i polokalame o iloilo a le atunu'u atoa.

E maua fetu'una'iga o fa'amatalaga mo fanau a'oga e iai mana'oga fa'apitoa ma e 'ese'ese mea e mafai ona latou fa'atinoina fa'apea isi mana'oga e maua i le [National protocols for test administration](#).

E tatau ona galulue fa'atasi a'oga, mātua ma tagata o lo'o tausia fanau, fa'apea ma fanau a'oga ina ia iloa vaega o fa'atinoga ta'itasi e mana'omia ona fetu'utu'una'i i tulaga talafeagai mo fanau a'oga ta'itasi e iai mana'oga fa'apitoa ina ia mafai ona latou fa'aaogaina le NAPLAN.

Ina ia fesoasoani ia atoatoa le silafia e faia ai ia fa'ai'uga, e mafai ona taga'i i vaega [o fa'ata'ita'iga fa'alau'itele a le NAPLAN \(fesoata'iga i luga\), le Ta'iala mo a'oga e fesoasoani i fanau a'oga e iai mana'oga fa'apitoa e mafai ai ona latou fa'aaogaina le NAPLAN](#), po'o a tatou [fa'asologa vitio](#) o lo'o fa'asoa ai mātua po o tagata o lo'o tausia fanau, o faia'oga ma fanau a'oga i o latou silafia ma lagona i le fa'aaogaina o fetu'utu'unaiga i le NAPLAN

I taimi e tula'i mai ai se tulaga e le masani a'i, e mafai ona tu'uina atu se fa'atanaga aloa'ia tu'usaunao i se alo a'oga e iai mana'oga fa'apitoa e matuā le mafai ai ona ia 'ausia agava'a e 'auai ai i iloilo, po'o se alo a'oga ua fa'ato'a taunu'u i Ausetalia ma e leai sona iloa muamua o le gagana Ingilisi

E mafai e le pule a'oga o la outou a'oga ma le pulega o su'ega i lo outou alaafaga ona tu'uina atu fa'amatalaga fa'aopopo fa'atatau i fetu'unaiga mo fanau a'oga e iai mana'oga fa'apitoa po'o le fa'asologa o fa'atinoga e mana'omia e maua ai se fa'atanaga aloa'ia tu'usaunao.

E fa’apefea pe a le iai lo’u alo i le a’oga i aso o su’ega a NAPLAN?

Pe a mafai ai, e ono fa’atulagaina e a’oga mo fanau a’oga ua le ‘auai i le taimi o le su’ega ia se isi taimi i totonu o taimi fa’atulagaina o su’ega a le a’oga e fai ai su’ega na misi.

O le ā se mea e mafai ona ‘ou faia e lagolago ai lo’u alo?

E leai se fa’anaunaga mo fanau a’oga e fai ni a latou su’esu’ega mo le NAPLAN. E mafai ona e lagolago i lou alo i le faailoa ia i latou o le NAPLAN o se vaega o le polokalame o la latou a’oga ma fa’amanatu iai e fai le mea sili. E aogā ni fa’amalamalama o le NAPLAN e fesoasoani i fanau a’oga e malamalama ai ma to’afimalie ai i fa’atulagaga o su’ega. Peita’i e le mana’omia e fa’atino e matūa po’o latou o lo’o tausia fanau a’oga lea tulaga. Ia mautinoa e faia’oga, e masani fanau a’oga i itua’iga o fesili i totonu o su’ega ma e tu’u atuina iai le lagolago ma ta’ita’iga talafeagai.

E lē fautuaina e le ACARA le tele na’uā o ni tapenaga e fai mo le NAPLAN po’o le fa’aaogaina fo’i o ‘au’aunaga fa’aopopo fa’a-faia’oga.

Silasila i itu’aiga o fesili ma mea e fesoasoani i fa’atinoga o lo’o maua i luga o le initoneti fa’ataui i iloilogaga a NAPLAN i le itulau o le **NAP – Public demonstration site**.

E fa’apefea ona lipotia ia fa’atinoga a lo’u alo?

Na amata mai i le 2023 le lipotiina o togi o le NAPLAN e tusa ai ma tapula’a fa’atulagaina o tomai. E iai le tapula’a mo vaega ta’itasi o iloilogaga e tusa ma la’asaga ‘ese’ese o tausaga ta’itasi. E fa’aailoa manino e tapula’a fa’atulagaina o tomai, ia fa’amatalaga fa’ataui i le mauulaga o mafai e ‘ausia e fanau a’oga. O nei tapula’a ua fa’atulagaina i la’asaga e lu’itauina ai fanau a’oga, ‘ae talafeagai fo’i ma le mauulaga e fa’amoemoe e ‘ausia e fanau i le taimi o su’ega a NAPLAN, ma e matele ina fa’avae i mea na a’oa’oina i tausaga a’oga ua tuana’i.

O tomai e ‘ausia e fanau a’oga o lo’o fa’aalia i la’asaga e 4 o tomai: Sili maoa’e, Malosi, Fa’aauau le atina’eina ma le E mana’omia fesoasoani fa’aopopo.

O lipoti a NAPLAN mo fanau a’oga ta’itasi e maua atu i le a’oga a lou alo i se taimi mulimuli ane o le tausaga. A e le mauaina se lopoti, e tatau ona e feso’ota’i i le a’oga a lou alo. Afai e manaomia seisi fesoasoani ua tatau ona e faafeso’otai lou setete talafeagai poo pulega o faafoeina suega i teritori . Ua le mafai e ACARA ona faia lipoti taitasi .

E fa’apefea ona fa’aaoga ia togi o le NAPLAN.

- Atonu e mafai e fanau a’oga ma mātua po o tagata o lo o tausia fanau ona fa’aaoga ia togi e fa’atalanoa ai ma faia’oga tulaga alualu i luma.
- E fa’aaoga e faia’oga ia togi e fesoasoani e latou te iloa ai fanau a’oga e mana’omia ia lu’i e sili atu pe mana’omia fo’i ni fesoasoani fa’aopopo.
- E fa’aaoga e a’oga ia togi e iloa ai ia vaega malolosi ma vaega e mana’omia e fa’aleleia o porokalme o a’oa’oga, ma fa’atutū ia sini mo tomai tusitusi ma le faitautusi fa’apea malamalama’aga i numera ma lo latou fa’aaogaina.
- E fa’aaoga i aiaiga fa’atino a a’oga ia togi e toe iloilo ai le manuia o polokalame fa’apea fesoasoani e ofoina i a’oga.
- E mafai e tagata o nu’u ona va’ai i le **myschool.edu.au** mo fa’amatalaga fa’ataui i fa’atinoga a a’oga i le fa’asologa o taimi.

O fea ‘ou te maua ai nisi fa’amatalaga fa’aopopo?

Mo nisi fa’amatalaga fa’aopopo fa’ataui i le NAPLAN

- feso’ota’i le aoga a lou alo.
- feso’ota’i le pulega a lo outou ‘a’ai mo le fa’atinoga o su’ega i le **nap.edu.au/TAA**
- asiasi i le **nap.edu.au**

Mo le silafia pe fa’apefea ona fa’afae e ACARA mo NAPLAN ia fa’amatalaga e patino i tagata ta’ito’atasi, asiasi i le **nap.edu.au/naplan/privacy**.

Taimi fa’atulagaina a NAPLAN

O aso avanoa mo su’ega a le NAPLAN e 9. O lenei tulaga e fesoasoani i a’oga e ono le mafai ona fa’atinoina ia su’ega i se taimi e pu’upu’u mai ‘ai lo taimi fa’atulagaina. **O le avanoa e fai ai suega o le NAPLAN e amata i le Aso Lulu 11 o Mati 2026 ae uma i le Aso Gafua 23 o Mati 2026.** E tatau ona fa’atulagaina e a’oga le faiga o su’ega i le vave e mafai ai i totonu o le avanoa fa’atulagaina e fai ai su’ega, ma e fa’ataua le ‘ave o le fa’amuamua i le vaiaso muamua.

Su’ega	Mea e mana’omia mo fa’atulagaga	Umi	Fa’amatalaga o su’ega
Tusitusi	E tatau ona fai e fanau a’oga o le Tausaga 3 ia su’ega o le tusitusi i luga o pepa (i le na o le aso muamua) O le tusitusi mo Tausaga 5, 7 ma le 9 e tatau ona amata i le aso muamua (e tatau i a’oga ona fa’amuamua le fa’amae’aina o le tusitusi i le aso 1, ma faato’ā fa’aaogā le aso 2 pe a iai ni fa’afitauli i le fa’atulagaga po’o le fa’atinoga /o s’uega).	Tausaga 3: 40 minute Tausaga 5: 42 minute Tausaga 7: 42 minute Tausaga 9: 42 minute	E tu’uina atu i fanau a’oga se manatu po’o se mataupu e ta’ua o se faiga e fa’aosofia taumafai mo le tusitusi (writing stimulus) po’o faiga e una’ia ai le taumafai (prompt) ma talosagaina e tusi se tali fa’apitoa (se tusitusiga fa’amatala po’o se tusitusiga e fa’atalitonuina ai se tagata)
Faitautusi	Ia mae’a i le uma o le su’ega tusitusi.	Tausaga 3: 45 minute Tausaga 5: 50 minute Tausaga 7: 65 minute Tausaga 9: 65 minute	E faitau e fanau a’oga ia ni fa’amatalaga ‘ese’ese, o tusitusiga o manatunatuga ma lomiga fa’atauanau, ona tali lea o fesili e fa’atatau iai.
Fa’atinoga masani e fa’aaoga i gagana	Ia mae’a i le uma o le su’ega faitautusi.	Tausaga 3: 45 minute Tausaga 5: 45 minute Tausaga 7: 45 minute Tausaga 9: 45 minute	E iloiloina fanau a’oga i le sipela, kalama ma fa’aailoga faitautusi.
Malamalama’aga i numera ma lo latou fa’aaogaina	Ia mae’a i le uma o le su’ega o fa’atinoga masani e fa’aaoga i gagana.	Tausaga 3: 45 minute Tausaga 5: 50 minute Tausaga 7: 65 minute Tausaga 9: 65 minute	E iloiloina ia fanau a’oga i numera ma vaega fa’amatematika (algebra), tulaga o fuataga (measurement) ma fa’avasegaga o mamau (geometry) fa’apea fa’amaumaga fa’afuainumera (statistics) ma le galuea’iga o avanoa e ono tupu ai se taunu’uga (probability)